

卷之二十一

或也

集

同治  
年次  
歲次  
己未  
歲次  
己未  
歲次  
己未

# 中國地方志集成

湖北府縣志輯 ⑩

同治江夏縣志

同治蒲圻縣志

江蘇古籍出版社 ● 上海書店 ● 巴蜀書社

序

天下之因人成事者豈偶然哉杜桂有失之意中而得之外者余宰漢陽而漢陽志適成及宰江夏而江夏志又適成皆前乎我者草創之討論之修飾而潤色之余未嘗稍致力也乃邑人士曰志之成亦甚難矣時間四五年官經五六任今日江夏縣志

宰者實多余安敢不尸其成而猶欲诿之於人乎江夏附省治當咸豐中城陷至再三不獨邑中文籍蕩然即大府憲司亦皆圖書散失十數年來粗有理緒而規制弗備諸上官率作興事而宰或瞠乎其後不能有所祗循烏乎昔先君子來仕之初值寇氛逼省城城中人率皆避去先君子獨毅然緣城入時授軍陶文節公嘆為未見因婉詞慰之使去以候補員無守土責危城不可保故不欲強為無益之留而先君子蹈仁成義卒與陶公同及於難嗚呼小子不才倅宰斯土徵求烈績慨昔時人事之違邑有耆舊猶能詳言之敬謁昭忠祠瞻仰栗主堂廡間

幾不能容因嘆忠義炳如日星姓氏皆

垂諸邑乘在當日雖若不幸而千載後遂為斯土之光然猶或恐漏遺是則後來者之責也故與邑人士復加采訪而於忠孝節義尤兢兢三致意焉至吏治政績前有可師利與興除必協于眾愛我者匡其不逮俾無遺先人羞則余之因

人成事又不止志之一端豈不幸哉

同治八年春二月知江夏縣事錫山王庭楨

## 序

志之善者朝邑武功尚已後人不能及其高簡非特文不古若以盈廷聚議不比閑戶著書也江夏縣志修自乾隆中及今近百年矣兵燹後故籍

江夏縣志

卷一

序

一

無存僅求得舊志殘本亟謀所以修之家味之少宰詰邑侯恩公之請而慎於改作難於集贊將因陋就簡而為之未及成書而

赴官

關下於是邑侯朱公復以屬莊子不敏無能

為役然邑之老成凋謝後起者皆不肯  
不讓予不得已而勉從事焉按舊志失  
之蕪雜不可為典要拔文獻不足幸猶有  
此一編在可因者因之當損益者損益以  
其必不可存者則削去之如

國朝無封建而舊志有封建一門且於前  
明楚藩英耀弑達方故詳載其事非以示  
戒祇以載穢非志體也又藝文類蒐采無  
義挂漏貽譏如熊襄愍公奏議全集具在  
美不勝收而獨取繳尚方劍一疏其義安

在又有襄愍公論一首此輯樹妄肆譏  
評言者固屬無知錄之尤為寡識此則鄙  
心所不能漠然者也抑孝為志所最重  
而采訪未確有濫則必有遺者可以復  
登濫者無從別擇今以已旌者悉收入  
江夏縣志

志未旌而年例已合或年未合例而其  
人已故亦志之唯年未合例而其人現存  
別錄姓氏以待後次之補采其抑義徇難  
姓氏亦別錄以異於有傳者雖善之從長  
而懼誠狀之似玉耳藝文先已刻成略加

刪汰餘仍其舊而別為文徵重進少宰之意

也予不敢臆見自用嘗取法於他郡縣志而

視朝邑武功則邈焉不可追矣志成於同治

己巳時宰邑者為無錫王公庭楨前是侯恩

公榮陳公汝蕃朱公榮椿恒公琛皆有力

江夏縣志 卷一 序

四



烏倡之者邑人袁久餘成之者邑人袁若鉉

也

## 江夏縣志

### 卷首序文

#### 卷一

##### 目錄

##### 姓氏

##### 凡例

##### 圖說志一

疆域

城池

學校

衙署

名山

大川

四

#### 卷二

##### 疆土志二

沿革

郵驛

鄉鎮

關隘

津梁

山川

鄰

##### 職官志三

知縣

教諭

訓導

縣丞

典史

巡檢

典史

營

附

古蹟

#### 江夏縣志

##### 卷一

##### 目錄

#### 卷三

##### 賦役志四

歸伍

田則

額徵

戶口

屯糧

改漕

鹽

雜稅

倉儲

起運

存畱

驛站

更名

地款

項

蓋課

漁課

楚

##### 禮樂志五

慶賀

禮節

春秋

丁祭

禮節

祭壇

廟

禮節

釋奠

朔望

宣講

聖諭

鄉飲酒禮

釋奠

賓興禮

祠

廟

陵墓

附

##### 學校志六

文廟

建置

源流

兩廡

新增

從祀

名宦

祠

鄉賢

忠義

孝弟

祠

節孝

祠

學

額

庫

餼

學院下學

講書

宣講

臥碑

新生

入學

官考課

舉報

優劣

學田

書院

義學

附

##### 卷四

##### 選舉志七

薦辟

詔舉

歲貢

進士

例貢

拔貢

副榜

優

封

贈議敘  
榮姓氏  
援例姓氏附

卷五

兵備志八

駐防水師

兵事附

弓兵

捕快

塘報

鄉團

刑法志九

監獄

刑具

配犯

秋審

決囚

船站

夜

風俗志十

習尚

文風

歲時

昏喪

農事

商賈

物

卷六

人物志十一

忠臣

孝子

政績

文苑

行誼

武功

卷七

人物志十二

列女

節孝節義附

江夏縣志

卷一

目錄

藝文志十二

述

欽頌書籍

名臣奏議

近人遺集

御製詩文

先賢著

石龜

雜志十三

祥異

流寓

藝術

方外

邪教

修志銜名

主修

補用知府兼襲雲騎尉江夏縣知縣王庭楨

江蘇無錫副榜

總纂

按察使銜前署雲南巡西道彭崧毓

乙未翰林

分纂

候選復設教諭

王耀唐邑恩

五品銜試用訓導

陳瑞珍邑附貢

六品銜試用訓導

周賓賢邑附貢

中書銜候選訓導

劉元華邑廩生

江夏縣志

卷一

邑

附

生汪有卓

提調

前江蘇補用道袁太華

甘守信

校刊

候選從九品

甘守信

同知銜前湖南新化縣知縣龍霜

邑拔貢

候選復設教諭

陶尚治邑恩

松滋教諭

夏惟屏邑副榜

采訪

同知銜前湖南新化縣知縣龍霜

邑拔貢

候選復設教諭

陶尚治邑恩

松滋教諭

夏惟屏邑副榜

同知銜前湖南新化縣知縣龍霜

邑拔貢

候選復設教諭

陶尚治邑恩

松滋教諭

夏惟屏邑副榜

運同銜候選訓導陳良弼

邑廩生  
邑廉貢

侯選訓導陳柏材

邑廉貢

邑增生田開藩

邑廩貢錢桂林

邑附貢趙廷璧

邑職廩生夏建寅

邑附廩生胡采章

邑職廩生張宏文

邑附廩生馬繼貞

邑附廩生張伯璽

江夏縣志

卷一

四

邑監生戈賛唐

國子監學正銜候選訓導祝烜

邑附生

前署襄陽府訓導胡樹棠

邑廩生

孝廉方正桂林嵩

邑監生

邑監生許作泮

邑武舉劉畏三

貢蕭煥斌

生鄭士名

生湯深

江夏縣志凡例

縣志一書府志省志一統志之所本也一縣無志則一府之疆域不明卽天下之方隅不備此修志所以爲地方之急務而亂後文獻無徵成憲安在有心求治者靡所考究兢兢焉唯恐失墜故在今日尤爲必不可緩江夏縣志修自乾隆五十八年至於今星紀已六周矣縣經兵火旣久官私書籍蕩然一空乾隆以前舊志不復見唯最後之陳志僅存大約本於張潘諸志而采輯未精不可爲典要咸豐初間續修未成殘稿亦屢求無獲今據陳志正其體例刪其繁無分門別類文減事增非僭也將求爲有用之書也作例言

江夏縣志

卷一

凡例

左圖右史相須爲用上而星曜下而方域皆可按圖而稽也然星野之紀唯一統志爲宜方志不得效之當以疆域爲首城池宜圖疆界宜圖學校官署宜圖名山大川宜圖方今海內用兵將帥必先知地利故興圖之刻日益精詳江夏爲水陸交衝一方雄鎮寇氛迭擾郊壘未平山川阨塞之形道里遠近之數前圖後說指掌瞭如庶於流覽有裨不比繪飾觀美爲也志圖說第一

圖既具矣而名有沿革之不同制有古今之互異必著之表而沿革可以知別其名而古今可以證營建或因時而改捍衛或經變而增城池解署不必皆舊矣山鎮宜知所示主川

澤不取乎細流支分派衍悉統於尊矣郵驛不詳無以知遠近村聚不載無以辨民居盜賊必有所藏故林藪雖僻而弗畧商旅必有所寄故市廛雖小而必書志疆土第二

### 有土而後有守土之官唐以前皆曰令長貞元以後始有知

縣之名至宋初始置設知縣建隆四年詔選朝士分理劇邑重其任也今科目中進士舉人皆例得選知縣俊秀中有才能者援例亦可得知縣然其初皆曰試以百里之命不輕寄

也江夏爲布政使治所憲司臨於上百姓視聽於下宰是者

曷敢忽諸校官重品學丞尉尚才能皆所以成一縣之治也

故知縣以次有教諭訓導有縣丞巡檢典史有大小營弁各

### 江夏縣志 卷一 凡例

稱其職邑庶無廢事焉志職官第三

官者政教之所從出也政莫大於催科教莫先於撫字撫字寓於催科之內斯無暴斂無橫征寬一分民受一分之惠真

所謂爲民父母者矣我

### 朝深仁厚澤賦稅最輕偶遇偏災卽蒙

蠲恤故旱潦雖所時有而小民幸免流亡近因各省軍興度支不

給猶不忍行前朝加賦之令第於征收商稅酌議抽釐釐者千之一名較什一而輕且百倍猶累家

明詔下頒毋許虐取果皆遵守法度道路且有頌聲此良有司所

當留意者也志賦役第四

治賦可使足民而禮樂必俟君子職猶有闕也朔望宣講聖諭春秋釋奠

### 學宮肅

萬壽之慶儀序百神之秩祀勞農勸相勿廢田功禱雨祈晴勸

民事凡此皆典禮所係卽敬怠所分不有遵循何由取則至

鼓祠野廟非偏祭之所賅梵宇仙宮有

中祀之特異是亦宜分別焉志禮樂第五

禮樂之興其必由學乎

### 國朝尊師重道

### 詔天下修建學宮

### 江夏縣志 卷一 凡例

列聖宸翰褒題殿庭輝映雖經兵燹規制重新多士沐浴

湛恩增加學額中額青衿械槢之盛必有人才應運而生貢院號

舍添營書院講學不輟皆所以仰體

作育之化也城鄉義塾養蒙卽以恤貧賚火賓興憐寒因之勸士

鄉賢名宦附祀忠義孝弟有祠正人心資觀感也志學校第

### 六

國家養士於學將以備登進之用成大受之材也故科歲考必

比年一貢三年必一鄉試十二年必一選拔而文行之最優

者三年又必一貢而難其人則爲數至少在科目中尤可貴

朝廷每行慶典必有加科

御極之初必

詔舉孝廉方正此又薦辟與科目並行故碩德名臣後先相望江

夏科第既盛氣節尤多前代如熊襄愍賀文忠尙已近時若

劉勤壯之殉難廬州溫壯勇之孤守六合尤爲傑出溫不由

科目而才行爲

九重所知是何異於薦辟哉志選舉第七

有文事者必有武備知縣無治兵之責而城池倉庫責有專歸地方猝遇盜賊竊發先事疎防處分綦重故縣設民壯典史設捕快巡檢設弓兵皆制度之豫善也詳報盜案必問有無營汛墩臺而修理驛站塘房亦係縣中之事兵糧出於民

江夏縣志

卷一

凡例

四

賦牧厥常礲民田文武相資誰謂知縣不當治兵哉江夏附麗省城督撫標營咸在而提標又有城守專營校閱精強足資捍衛然而城經三陷果誰之咎與今亂既定矣追思疇昔能不驚心敢爲越俎之謀聊慎覆車之鑒志兵備第八而以兵事附焉

兵亂之後盜賊滋興散兵尤多桀悍刻奪是其慣技恃眾易於抗官故欲止其風不能拘守成法新例許就地正法刑亂用重因時制宜然非永久遵行之

功令也夫捕嚴則盜息諺理則刑清法令者治之具而非致治清濁之原蓋貴能通其意也

朝廷慎重人命幾經勘訊而後獄成乃知縣視如草菅或武健尙

嚴筆楚且酷於刀鋸或草率定斷冤誣莫白夫覆盆上千天和下聚民怨致亂之故未必不由於此古之爲政者必曰廉

平平者無枉無縱之謂也志刑法第九

有政治然後有風俗風俗厚斯人心正矣江夏土田磽瘠民

皆勤苦治生比戶絃歌士多嚮學而尤以廉隅自重有行檢不飭者眾輒鄙之亂後耆舊凋零典型寢失是所望於有轉移之責者至地居省會漢口鎮僅隔一江向來奢靡之風盛於吳粵比因物力艱貴稍遜從前由奢入儉由儉入奢易難易之故尤不可不杜其漸也志風俗第十

江夏縣志

卷一

凡例

五

江漢靈秀所鍾江夏尤爲首善生斯土者追慕前哲不勝高山仰止之思焉舊志人物多采江夏郡人省志辨駁甚夥此無足深論也周有八士或曰成王時人或曰宣王時人兩存之何必固執況名賢爲邦家之光非閭里之榮古人不出戶庭而志在天下非若後世以籍貫爲爭競何所見之不廣也名宦必詳其政蹟又死必擷其精英凡忠義之紳民節孝之列女有事實則傳以彰其美無列傳則表以存其名此亦舊例也志人物第十一

志書濫收藝又最爲晚近通病班志所載第著其卷目不錄其文是史例也其有關繫者分注於各門以資考證亦史法

也

列聖頒賜

欽定諸書藏在學宮校官守之今經兵火無存應請

補頒敬志其目

御製訓州縣文訓士子文及

聖諭廣訓十六條禁習邪教四言韻文並蠲賦緩征廣額加科各

恩詔均分載於職官學校賦役諸門而奏疏之可錄者亦附焉至於

舊志首冠前代帝王之作而於

本朝

御製會禾之及非體也金石剝泐鮮有存者然吉光片羽斷璧零

江夏縣志

卷一

凡例

璣亦貞可寶志藝文第十二

大

舊志有雜志一門多載怪誕不經之事出於稗官小說無所

取義不足傳疑也方今

聖明在上邪說謬行之作不容於下間有一二足惑人心者方救

正之不暇奚可推其致而助其濶乎故削去之唯近有可取

以垂戒者著之於篇而以古蹟仙釋方伎諸門擇事之近理文之雅馴者附焉仍其目曰雜志第十三

江夏縣志卷一

圖說志一  
疆域圖  
城池  
學校


高昌

名里


大街

四汎

圖之有說猶書之有注也書義之晦者藉注以明之圖無說與無圖同山川之險易原隰之高卑道里之遠近村落之大小圖所不能盡者皆繫之以說求其瞭然於目者靡不犁然有當於心此周官土訓誦訓之遺意也詳言之毋敢忽




民易於爲治第江夏首稱劇要庶政殷繁啓處不遑有足所未至者矣然而耳目無蔽雖僻遠如在几席之前向風而呼按日而計則斯圖曷可少也驛站詳郵道表




古者封建之世大國地方百里次七十里小五十里今一縣所治恒數百里視古侯國過之縣宰曰知縣則四境之外非所敢知四境之内不敢不知也江夏東接武昌西界漢陽南鄰咸寧嘉魚北連黃岡水陸所至大牙交錯東八十里曰新店武昌縣之西界也西渡江七里以鸚鵡洲爲限洲盡則漢陽縣界也南陸路一百一十七里曰賀勝橋交咸寧縣界水路一百二十里曰陶家馬頭交嘉魚縣界北六十里曰界埠河在江之左曰沐鴻洲在江之右左爲黃岡縣境右則武昌縣屬也知縣下車親厯四境民情風土無不周知故好惡同






則臨江也倚山爲城帶江爲池形勢之險非不高深而卒之棄而弗守則官不衛民民亦不知自衛耳今東郭增修二關曰東湖門西湖門是又以湖爲池矣水師邏守飛渡無由官以恩信結民民皆相友相助內有足恃外不授瑕雖無高城深池猶可自固况有是江山之壯麗者乎






學宮在鳳凰山南對黃鵠山與府學宮若相聯屬皆據城中最形勝地也兵火後修葺未備校官皆僑寄於外同治庚午因增拓貢院之役始於明倫堂前建立東西齋舍並增建孝弟忠義諸祠戟門外西僅一狹巷不成規模因購張姓地二丈餘開拓如式惟湖邊堆積污穢實當其前非所以昭敬也有司宜留心禁止之







周禮職方氏正南曰荊州其山鎮曰衡山而禹貢則先曰荆及衡陽淮荊州禹貢蓋言其地職方第舉其山耳第舉其一山故言衡不兼言荆以衡在正南也今方域與古稍異而堪輿之學又日漸繁興統天下之全則曰南幹北幹論一方之脈則曰太祖少祖湖北省城以个字山爲少祖自興國桃花尖走咸寧入江夏縣界賀勝橋過峽左界水西梁子湖右界水東梁子湖此个字山之來脈也其形如个分出三支中脈由呂冠山東陽山迴龍山錦繡山豐禾山油坊嶺黃瓦山砂于嶺青龍山合寶山高嶺鉢盂山洪山雙峯山入會城高冠



山石城山至黃鵠山止於江左脈起老鴟山八分山至金口懷山亦止於江石脈豐禾山與靈泉山分支至梁子湖而止中間一起一落形勢蜿蜒肆而亦莫可究詰也九峯山爲肖龍旁抽之脈亦分三支上至青山內至豹子澥下至武昌葛仙

### 鎮



川莫大於江漢而縣境之水皆入於江不可以江名也曰河曰湖曰港曰澗因其小大以立名至曰池曰泉曰井則又水源之所出也諸水惟湖爲大而境內諸湖爲多東有東湖大山湖一名前湖音塘湖一名後湖陽秋湖亦名歲東湖青塘湖東南有賽湖仙人湖團山湖東梁子湖南有南湖玉盆湖

湖梅湖西南有魯湖烏館湖王家湖湯孫湖黃家湖紙坊湖游家通興國大治武昌凡汎九十有九湖中多山林望隱秀爲東南絕勝西梁子通蒲圻嘉魚咸寧有山曰桂子曰靜寶曰金

山皆深邃可游春漲盛時漁舟恒聚於此東梁子出樊口西梁子出金口去港各九十里入江沙湖東湖北湖白羊湖在縣北嚴西湖余家湖竹子湖在東北農田灌溉舟楫往來利之所資固不止於征收魚稅而已也至城內積水之瀦澤亦名曰湖無關大利害故不繪

